

Komisioni për Mbrojtjen e Konkurrencës në mbështetje të nenit 28 dhe nenit 19 paragrafi (1) pika 2) të Ligjit të Mbrojtjes së konkurrencës (“Gazeta zyrtare e Republikës së Maqedonisë” nr. 145/10, 136/11, 41. /2014, 53/ 16 dhe 83/18), dhe duke vepruar sipas njoftimit të përqendrimit të parashtruar nga Shoqëria për Prodhim të Energjisë Elektrike GEN-I SONCE SHPKNJP Shkup, me seli në Bul. Partizanski Odredi nr. 15 A/1, Qendër, Shkup, përmes Bozhidar Millosheviqit, avokat nga Shkupi, në seancën e mbajtur më 20.09.2023, solli

### **AKTVENDIM**

Vërtetohet se përqendrimi me anë të së cilit Shoqëria për Prodhim të Energjisë Elektrike GEN-I SONCE SHPKNJP Shkup, me seli në Bul. Partizanski Odredi nr. 15 A/1, Qendër, Shkup, do të fitojë kontroll të pavarur mbi Shoqërinë për prodhim, tregti dhe shërbime KAV SONCE SHPK import-eksport Kavadar, me seli në rr. Ilo Kostov nr. 31, Kavadar, Maqedonia e Veriut, nëpërmjet shitblerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksë administrative ( Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbardimin e aktvendimit.

### **Arsyetim**

Në përputhje me nenit 15 të Ligjit për mbrojtjen e konkurrencës më 22.08.2023, te Komisioni për Mbrojtjen e Konkurrencës (në tekstin e mëtejme: Komisioni) është dorëzuar një njoftim i përqendrimit nga Shoqëria për Prodhim të Energjisë Elektrike GEN-I SONCE SHPKNJP Shkup, me seli në Bul. Partizanski Odredi nr. 15 A/1, Qendër, Shkup, me anë të së cilit GEN-I SONCE SHPKNJP Shkup do të fitojë kontroll të pavarur mbi Shoqërinë për prodhim, tregti dhe

shërbime KAV SONCE SHPK import-eksport Kavadar, me seli në rr. Ilo Kostov nr. 31, Kavadar, Maqedonia e Veriut nëpërmjet shitblerjes së pjesëve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

**Aktivitetet themelore të biznesit të ndërmarrjeve të përfshira:**

**GENI-I SONCE ashpknpj** Shkup i përket grupit të shoqërive GEN-I, aktive në tregjet e mëposhtme përmes shoqërive të saj të varura: Slloveni, Austri, Itali, Bullgari, Serbi, Bosnje dhe Hercegovinë, Kroaci, Maqedonia e Veriut, Shqipëri, Greqi, Turqi, Ukrainë dhe Gjeorgji. Aktivitetet kryesore të Grupit GEN-I janë:

- Furnizimi me energji elektrike dhe gaz natyror për përdoruesit përfundimtarë;
- tregtimi me energji elektrike dhe gaz natyror;
- furnizimi me energji elektrike nga prodhuesit e mëdhenj dhe nga prodhuesit që përdorin burime rinovuese të energjisë dhe impiante të kogjenerimit me efikasitet të lartë (RES ose CHP);
- ofrimi i shërbimeve të vetë-mjaftueshmërisë dhe efijencës energjetike për individët dhe shoqëritë;
- ofrimi i shërbimeve të avancuara për partnerët e biznesit dhe konsumatorët; dhe
- portofoli i produkteve dhe shërbimeve inovative në tregun e energjisë në Evropën Juglindore.

**KAV SONCE SHPK Kavadar** me aktivitet prioritar të prodhimit të energjisë elektrike është një shoqëri për qëllime të veçanta e themeluar për zhvillimin e një termocentrali fotovoltaiik 8.3 MW AC pranë Kavadarit, Maqedonia e Veriut, në territorin e komunës së kadastrave të Lubash-von Gradit. Krahas zhvillimit të parkut diellor Ljubash 2, KAV SONCE DOO Kavadar është gjithashtu bartës i (a) Licencës për kryerjen e aktivitetit energjetik furnizimi me energji elektrike dhe (b) licencës për kryerjen e aktivitetit energjetik tregtisë me gaz natyror, të dyja të lëshuara nga Komisioni Rregullator për Energjetikë, Shërbime të Ujit dhe Shërbime për Menaxhimin e Mbeturinave Komunale të Republikës së Maqedonisë së Veriut.

KAV SONCE SHPK Kavadar nuk ka pasur asnjë aktivitet dhe nuk ka realizuar asnjë të hyrë në vitin 2022. Për momentin është joaktive në çdo treg. Aktualisht është jo aktive në cilin do treg.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës*

*zakonisht përcakton se të njëjtat janë në përputhje me Ligjin për mbrojtjen e konkurrencës, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij, veçanërisht si rezultat i krijimit ose forcimit të pozitës dominuese të pjesëmarrësve*

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

### **Udhëzim për mjetin juridik**

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

**KRYETAR**  
**I KOMISIONIT PËR MBROJTJEN E KONKURRENCËS**  
**Prof. Dr. Владимир Наумовски**